

## 古詩十九首

佚名

### 行行重行行

行行重行行，與君生別離。  
相去萬餘里，各在天一涯。  
道路阻且長，會面安可知？  
胡馬依北風，越鳥巢南枝！  
相去日已遠，衣帶日已緩。  
浮雲蔽白日，遊子不顧返。  
思君令人老，歲月忽已晚。  
棄捐勿復道，努力加餐飯！

註：以上僅就坊間所見資料，提供一個參考版本；教師亦可參考、使用其他版本。